

ناس وناس

ف ناس كده غاشيمه ف كلامها تظلم وتعمل نفسها مش
واخده بالها.

ونقول قلبهم أبيض لكن قلوبهم من الغيره مش قادره
تحوشها.

عايده كل حاجه تكون ملك إيدها وتحس ان مافيش ع الحجر
غيرها.

وتزعل لما تلاقي ناس أفضل منها يفضلوا يتريقوا ومش
بيحبوا الخير لأعز أصحابها.

ولا بيعملوا بالعشره وماشين والكره معشش بين أحضانها
لا عارفه تنام والفكر شغال ودموع ع الخدود سايله وحاسه
دايما بفشالها.

وكلمة الشكر مش عايده تنطقها وحاسه بنفسها من يوم ما
ربنا خلقها.

تضحك وف قلوبها نار قايدة والشر باين ف عيونها وماشييه
ف طريقها وشارده وعارفه نتيجة خداعها.

لكن الكبر واخدها وعمرها ف يوم ماكانت متواضعه ولا
بتحب الخير لغيرها

فاكره لما تكره هايتحسن كيانه لكن قلوبها عمرها ما ف
يوم ما كانت صافيه وشيطان مسيطر ع عقولها.

بتنكر العشره ف لحظه والغريزه مسيطره على عقولها
وعايزه تفضل ع طول عمرها ناجحه وما فيش شخص أفضل
منها.

ولو حاس ان مراته وحشه يبص لمرات أخوه وصاحبه
ومش راضي بنصيبه وحظه.

أوام وبسرعه يكره عشته وتختلف وجهة نظره ورد فعله
بيبان من طريقة أسلوبه وملامحه.

تبص ف عيونه تلاقيه شخص مريض ومش ف وعيه
وحالته حرجه ودايما يشكي همومه وماتعبه.

لا ف يوم بيحمد ربه وناكر خير أهله وقاسي ع أصحابه
حتى اهل بلده

عشان كده عمره ما هابيرتاح ولا هاتنحل مشاكله عشان ربنا
مش راضي عنه.

وعن جباروته وظلمه والأيام بتعدي من عمره وهو لسه
ثابت ف محله.

لا بيتقدم والكل عرف حقيقته وأصبح مكروه بسبب غباؤه
وطولت لسانه وسواد قلبه.

عشان كده لازم نبعد عنه أو ننصحه يمكن يعرف حقيقة
خيانته لغيره وغدره.....